

community

The New Apostolic Church around the world

01/2023/AM

2023 թվականի տարվա նշանաբանը Քրիստոսի հետ ծառայել և ղեկավարել

Խմբագրական
Քրիստոսի հետ ծառայել և
ղեկավարել

Ժամերգություն
Հավատքով քայլել

Եկեղեցական ուսմունք
Կանանց ձեռնադրություն՝
Հիմքերը

New Apostolic Church
International



■ Խմբագրական

3 Քրիստոսի հետ ծառայել և
ղեկավարել

■ Ժամերգություն

4 Հավատքով քայլել

■ Այց՝ Աֆրիկա

10 Աստծո խոսքը պարզ
լեզվով

■ Մանկական անկյուն

12 Հիսուսը լվանում է
աշակերտների ոտքերը

14 Այցելություն Դավթին՝
Նդուլայում / Ջամբիա/

■ Տեսություն

16 Կանանց ձեռնադրություն՝
Հիմքերը

■ Առջևի շապիկի լուսանկարը՝ Օլիվեր Ռյուֆթենի
■ ձեռնի շապիկի լուսանկարը՝ ՆԱԵ Հարավ - Արևելյան Ասիա

Խմբագրական
Հրատարակիչ՝ Ժան-Լյուք Շնայդեր, Իուբերլանսսթրասսե 243, 8051 Ցյուրիխ/Շվեյցարիա
Ֆրիդրիշ Բիշոֆֆ ՍՊԸ հրատարակչություն, Ֆրանկֆուրտյան փողոց 233 63263 Նոյ Իզենբուրգ/Գերմանիա
Խմբագիր՝ Սիմոն Հայնիգեր

Ծառայել և կառավարել Քրիստոսի հետ

Միքելի եղբայրներ և քույրեր,

Մենք հայացք ենք գցում անցնող տարուն, որի ընթացքում մենք այս կամ այն ձևով կարողացել ենք ապրել մեր Տիրոջ մոտիկ լինելն ու առաջնորդելը: Բոլոր դեպքերում, մեկ բան կարևոր է, որ 2022-ին էլ Աստված շարունակում է իր փրկչական գործը և մեզ մոտեցնում մեր նպատակային մասնակցությանը առաջին հարությանը, որպեսզի որպես քարոզիչներ ծառայենք Քրիստոսին և նրա հետ միասին ղեկավարենք խաղաղության թագավորությունում, ինչպես մենք կարդում ենք Հայտնության 20,6-ում:

Ով խաղաղության թագավորությունում զինված է Քրիստոսի հեղինակությամբ, կարող է անխոչընդոտ կատարել իր ծառայությունն ու առաջադրանքը: Ծառայությունը կայանում է նրանում, որ մարդկանց քարոզվի Ավետարանը և նրանց առաջնորդվի դեպի Աստված: Ղեկավարելը չի նշանակում աշխարհին տիրելը, այլ վկայել Քրիստոսի փառահեղությունը որպես մարմնավորում Աստծո սիրո և գթասրտության:

Այսօր արդեն Հիսուսը մեզ կանչում է իր ձևով ծառայելու և ղեկավարելու: Մրանից էլ բխում է 2023-ի մեր նշանաբանը՝ Քրիստոսի հետ ծառայել և ղեկավարել:

Արդեն այսօր մենք ծառայում ենք նրանով, որ թողնում ենք մեր առօրյա գործերը ժամերգության գալու և միասին Աստծուն երկրպագելու համար:

Նաև 2023 թվականին ենք մենք արդեն կանչված թագավորելու Քրիստոսի հետ: Այնուամենայնիվ, ոչ թե մեր մերձավորների վրա իշխանություն գործադրելով, այլ Քրիստոսի օգնությամբ մեր սեփական մտքերի և գործերի տերը դառնալով:

- Նրա սերը չի բաժանում, այլ միավորում է:
- Նրա շնորհը մեզ վեր է բարձրացնում պարտություններից հետո:



Լուսավարժ Միջազգային ՆԱԵ

- Նրա իմաստությունը օգնում է մեզ սովորել մեր սխալներից:

Այսպիսով, մենք փորձության ենթարկվելիս անօգնական չենք, այլ կարող ենք իշխել մեղքի վրա մեր սրտի դռան առաջ:

Մեր կյանքը ստուգման տակ պահելու և վերահսկելու լավագույն ճանապարհը թույլ տալն է, որ Քրիստոսը թագավորի մեր սրտերում:

Բոլոր առաքյալների հետ միասին մաղթում եմ ձեզ օրհնյալ և երջանիկ նոր տարի:

Լավագույն ողջույններով՝

Ժան- Լյուք Շնայդեր



Լուսանկարները՝ ՆԱԵ Ֆիլիպիններ



Կորնթացիներին Բ 5,7

„ Որովհետև հավատով ենք ընթանում և ոչ թե երևույթների վրա հիմնվում,„

| Հավատքով քայլել

Իմ սիրելի եղբայրներ և քույրեր, ես պետք է խոստովանեմ, որ ինձ համար իսկապես մեծ ուրախություն է նորից ձեզ հետ այստեղ Ֆիլիպիններում լինել կարողանալու համար: Դուք գիտեք, որ երկար ժամանակ հնարավոր չէր ճանապարհորդելը: Ես շատ շնոհակալ եմ, որ այսքան շատ համայնքներ այստեղ կարողացել են միմյանց հետ կապված մնալ, Ինդոնեզիայում և այլ երկրներում: Մենք միասին պետք է այս օրը տոնական օր դարձնենք: Մենք տոնում ենք եկեղեցու հիսունամյակը Ֆիլիպիններում, իսկ սա առիթ է մեր շնորհակալությունն արտահայտելու: Հիսուն

տարի առաջ Աստծո հավատարիմ ծառաները եկան այս երկիր և ֆիլիպինցիներին հայտնեցին մեծ ավետիսը Հիսուսը գալու է: Եվ նա ուղարկել է իր առաքյալներին, որպեսզի մեզ նախապատրաստեն նրա գալստյանը: Նա գալու է և մեզ առաջնորդելու է դեպի իր արքայություն: Մենք պետք է նմանվենք Հիսուս Քրիստոսի պատկերին: Մենք ունենալու ենք կատարյալ միասնություն նրա և միմյանց հետ: Եվ փառք Աստծո, ֆիլիպինցիների շարքում շատ մարդիկ ընդունեցին և հավատացին նրանց: Իսկ Աստծո գործը կարողացավ քայլ առ քայլ զարգանալ: Մենք այսօր շատ համայնքներում ունենք շատ



ձախում՝ սպասավոր եղբայրների սենյակում

Բայց հիսուն տարի անց խոստումը դեռ չի կատարվել:

քույրեր և եղբայրներ: Եվ մեծ ուրախություն է այս երկրում այսօրվա շատ հավատարիմ եղբայրներ և քույրեր ունենալը:

Մենք մեր շնորհակալությունն ենք արտահայտում նրանով, որ շնորհակալություն ենք հայտնում նրանց, ովքեր ցանկ էին և նրանց, ովքեր հետո եկել են և ջրել: Բայց ամենից առաջ մենք շնորհակալ ենք Աստծուն, որը նվիրել է այդ աճը: Առանց նրա օգնության և օրհնանքի՝ ոչ մի բան հնարավոր չէր լինի: Այսպես, մենք շնորհակալ ենք Աստծո ծառաներին, եղբայրներին ու քույրերին, ովքեր դեռ ապրում են և նրանց, ովքեր արդեն անդրժիշկական աշխարհում են, իսկ մենք փառաբանում ենք Աստծուն՝ Հորը, Որդուն և Սուրբ Հոգուն, իր ողորմածության և օրհնանքի համար:

Հիսուն տարի առաջ նրանք տեղեկացրեցին, որ Հիսուսը գալու է, որ նա ուզում է մեզ առաջնորդել դեպի իր թագավորություն, որ մենք նմանվելու ենք Քրիստոսի պատկերին, և որ մենք՝ որպես Քրիստոսի եկեղեցի, միասնություն ենք ունենալու Աստծո և միմյանց հետ: Բայց, հիսուն տարի անց այդ խոստումը դեռ չի իրականացել: Եվ յուրաքանչյուրը կարող է տեսնել, որ Տերը դեռ չի եկել: Ես դեռ Հիսուս Քրիստոսի նման չեմ: Ես դեռ նույն խեղճ մեղավորն եմ: Իսկ միասնությունը եկեղեցում սիրալիք է, բայց բոլորովին ոչ կատարյալ: Ի՞նչ եղավ այդ խոստման հետ: Պատասխանը այսպես է հնչում այնքան ժամանակ, ինչ մենք երկրի վրա ենք, պետք է քայլենք հավատքով և ոչ թե տեսնելով: Այդ խոստումը դեռ ուժի մեջ է: Բայց մենք պետք է հավատանք և առաջ քայլենք, որ այդ խոստման իրականացումն ապրենք: Դա միշտ այդպես է եղել:

Հիշեք Աբրահամին՝ Աստված նրան հրաշալի խոստում տվեց, այն է՝ դու որդի ես ունենալու և

դառնալու ես մի մեծ ժողովրդի հայր: Բայց Աբրահամն արդեն ծեր էր: Մարդկային տեսանկյունով դա հնարավոր չէր: Բայց Աստված ասաց նրան՝ „ Ես չեմ կարող այստեղ քեզ օրհնել, դու պետք է քո երկրից հեռանաս և գնաս այն երկիրը, որը ես քեզ ցույց կտամ,„: Աբրահամը չգիտեր, թե որտեղ է գտնվում այդ երկիրը, ինչ տեսք ունի, բայց նա հավատում էր և գնում: Եվ շատ երկար տևեց, մինչ իրականացավ այդ խոստումը: Հիսուսն ինքն ասում էր „ Աբրահամն ուզում էր միայն ինձ՝ Հիսուս Քրիստոսին՝ Աստծո Որդուն տեսնել,„: Իսկ Աբրահամը ստիպված էր դարձնել շարունակ սպասել, որ նրա փափագը կատարվի, և նա կարողանա երկրի վրա տեսնել Հիսուս Քրիստոսին՝ Փրկչին: Նա պետք է սպասեր և մինչև վերջ հավատար, որպեսզի ապրեր խոստման կատարումը:

Աստված գալիս է Մովսեսի և Իսրայելի ժողովրդի մոտ և ասում նրանց, որ առաջնորդելու է դեպի մի հրաշալի երկիր՝ խոստացված երկիրը: Բայց, դուք պետք է դուրս գաք Եգիպտոսից, և դուք պետք է ոտքով գնանք: Եվ նրանք պետք է երկար ժամանակ հավատային և սպասեին, մինչև նրանց ցանկությունն իրականար և կարողանային ապրել Աստծո խոստումը: Մակայն, Աստված հավատարիմ էր, նա իրականացնում է Աբրահամին և Իսրայելի ժողովրդին տված խոստումը, բայց նրանք նախ պետք է հավատային և հավատքով առաջ քայլեին:

Ես միտումնավոր կրկնեցի, որ այն խոստումը, որը Աստված իր առաքյալների միջոցով է տվել, դեռ վավերական է: Բայց այն դեռ չի իրականացել, մենք պետք է այսօր հավատքով առաջ քայլենք: Ի՞նչ է նշանակում դա: Դա նշանակում է, որ մենք իսկապես համոզված ենք, որ այն, ինչ Աստված ասում է, ճմարիտ է: Աբրահամի համար Աստծո խոսքն ավելի կարևոր էր, քան այն, ինչ նա իր աչքերով կարող էր տեսնել: Հավատալ, նշանակում է, որ ես բացարձակ համոզված եմ, որ Աստծո խոսքը ճշմարտություն է, ոչ թե է այն, ինչը ես տեսնում եմ, հասկանում եմ, այլ այն, ինչ Աստված է ասում: Աստծուն հավատալը նշանակում է նաև նրա հանդեպ վստահություն ունենալ: Աստծուն հավատալ, նշանակում է, որ ես վստահում եմ այն բանին, ինչ նա անելու է, ինչը նա խոստանում է, և որ նա դա կարող է անել: Ինչ վերաբերում է Աբրահամին, ապա անհնար էր թվում այն, որ նա և իր կինը այդ տարիքում դեռ կարող էին երեխաներ ունենալ: Բայց նա վստում



Մենք սպասում ենք համբերությամբ, մինչև նա կատարի իր խոստումը:

Էր Աստծուն, որ նա կարող է դա անել, և նա դա անելու է: Հավատալ նշանակում է նաև, որ ես այն բանում եմ համոզված, որ այն, ինչ Աստված ասում է, ճմարտություն է: Ես վստահում եմ նրան, նա կարող է անել և անելու է: Եվ քանի որ ես համոզված եմ և վստահություն ունեմ, ես համբերատար եմ և սպասում եմ: Դա հավատ է և դա այն է, ինչ մենք պետք է անենք՝ համոզված լինել, որ Աստծո խոսքը ավելի կարևոր է, քան այն, ինչ ես տեսնում և հասկանում եմ: Մենք վստահում ենք Աստծուն, որ նա կարող է անել և կանի, ինչ խոստացել է, իսկ մենք սպասում ենք համբերությամբ, մինչև նա իր խոստումն իրականացնի:

Սա հավատն է, բայց մենք պետք է դեռ հավատով քայլենք: Իսրայելի ժողովուրդը պետք է հավատար, որ Աստված նրանց ազատելու է, բայց նրանք պետք է դուրս գային Եգիպտոսից, իսկ նրանք կարիք ունեին արիության այդ անելու համար: Պարզապես չապվեց՝ „ Լավ, եկեք գնանք, եկեք պարզապես դուրս գանք„: Եգիպտոսից դուրս գալու որոշումը դժվար էր: Սակայն, նրանք համարձակվեցին հավատով առաջ գնալ: Եվ Աստված նրանց ազատեց Եգիպտոսից: Դուք գիտեք Կարմիր ծովի հետ կապված պատմությունը, ես այն նորից չպետք է պատմեմ: Նրանք ազատվեցին ճնշումներից: Բայց դա պատմության ավարտը չէր, դա պատմության սկիզբն էր: Երբ նրանք եկան Կարմիր ծովի մյուս ափը և ազատվեցին Եգիպտոսից, այնտեղ անապատ էր: Իսկ նրանք պետք է շարունակեին հավատով առաջ գնալ:

Եղբայրներ և քույրեր, մենք ունենք այս խոստումը՝ Աստված ուզում է ձեզ ազատել և առաջնորդել դեպի իր արքայություն: Բայց դուք պետք է չարի թագավորությունից դուրս գաք, որպեսզի հասնեք բարի Աստծո արքայություն: Մենք ասել ենք „ Այո, ես մերժում եմ չարին„: Եվ այդ հավատի և պատրաստակամության շնորհիվ Աստված մեզ ջրով մկրտության և Սուրբ Հոգու միջոցով ազատեց: Մենք չենք կարող տեսնել, բայց ջրով մկրտության և Սուրբ Հոգով կնքվելու միջոցով մենք ազատվում ենք չարի տիրապետությունից: Բայց, դա պատմության վերջը չէր, սա պատմության սկիզբն էր: Իսկ հիմա մենք պետք է առաջ գնանք, ինչպես Իսրայելի ժողովուրդը: Իսկ ինչ է նշանակում առաջ գնալ: Իսրայելի ժողովրդի նման մենք պետք է հետևենք Աստծո ցուցումներին: Աստված նրանց ամեն օր ասում էր, թե ինչ պետք է նրանք անեն, և նրանք դա անում էին: Եվ մենք ևս պետք է առաջ գնանք, որպեսզի Աստծո ցուցումներին հետևենք: Նա մեզ սովորեցնում է, թե ինչպես պետք է սիրենք: Նա սովորեցնում է մեզ, թե ինչպես պետք է կարողանանք աճել Հիսուս Քրիստոսի գիտության մեջ: Սուրբ Հոգու միջոցով նա մեզ ասում է, թե մենք ինչպես կարող ենք նմանվել Հիսուս Քրիստոսի պատկերին: Մենք էլ պետք է մեր քայլն անենք: Մենք պետք է սովորենք ավելի շատ և ավելի լավ սիրել: Մենք պետք է մեր գիտելիքները Հիսուս Քրիստոսի մասին բազմապատկենք: Մենք պետք է հաղթահարենք հին բնությանը և Քրիստոսով նոր մարդ դառնանք: Իսրայելի ժողովուրդը ստիպված էր անցել անապատի միջով և պայքարել թշնամու դեմ: Մենք էլ պետք է չարի դեմ



պայքարենք և հաղթահարենք փորձությունները: Իսկ դա շարունակական պրոցես է, մենք պետք է առաջ գնանք և հաղթահարենք, հաղթահարենք ու հաղթահարենք: Եվ մեկ այլ պատճառ էլ կա, թե ինչու է Աստված ուզում, որ նրանք անապատով քայլեն և անցնեն: Նա ուզում էր, որ նրանք դառնան ճշմարիտ ժողովուրդ, ճշմարիտ համայնք: Քանի որ սկզբում կային շատ ցեղեր, իսկ նրանցից յուրաքանչյուրը Եգիպտոսում քայլում և ապրում էր ինքն իր համար, իսկ անապատում թափառելու ընթացքում նրանք սովորեցին միասնական դառնալը: Նրանք հասկացան, որ մեկը մյուսի կարիքն ունի, որ իրենք պատկանում են միմյանց:

Ես ավարտում եմ՝ մենք պետք է հավատանք և հավատով առաջ քայլենք, որպեսզի շատացնենք մեր սերն ու գիտելիքները առ Հիսուս Քրիստոս, առաջ գնանք մեր հոգևոր զարգացման մեջ: Մենք պետք է ձգտենք և պայքարենք մեր թշնամու դեմ, և մենք պետք է սովորենք միասնական դառնալ Քրիստոսով: Իհարկե, երբ Բարայելի ժողովուրդը գնում էր անապատով, նրանք չէին կարող Աստծո խոստումը տեսնել, բայց նրանք կարող էին զգալ Աստծո ներկայությունը: Իսկապես, նրանք չէին կարող տեսնել, բայց նրանք կարող էին նրա ձայնը Մովսեսի միջոցով լսել: Իսկ Մովսեսը նրանց ասում էր՝, Աստված ասում է ձեզ, թե դուք ինչ պետք է անեք,։ Այսօր էլ մենք չենք կարող Աստծուն տեսնել, բայց մենք լսում ենք նրա ձայնը Սուրբ Հոգու և առաքյալների միջոցով: Մենք կարողանում ենք հաճախ ապրել սա ,, Աստված ինձ հաստատ ասում է այն, ինչի կարիքը ես ունեմ, նա ամեն ինչ գիտի,։ Մենք կարող ենք ապրել, որ Աստված մեզ հետ է, որ նա խոսում է մեզ հետ: Աստծո ժողովուրդը կարողանում էր ճանաչել Աստծո ներկայությունը, քանի որ նա իր սնունդը ամեն օր Աստծուց էր

ստանում: Նրանք ստանում էին մանանա, դա մի մեծ հրաշք էր: Սակայն, ցավոք, նրանք սովորեցին դրան և դա դարձավ նորմալ: Եվ նրանք լիովին մոռացան, որ դա հրաշք էր: Սիրելի եղբայրներ և քույրեր, մենք էլ ենք սնունդ ստանում երկնքից: Մենք ընդունում ենք Հիսուսի մարմինն ու արյունը, երբ տոնում ենք Սուրբ Հաղորդությունը: Դա հացն է երկնքից տրվող, մի մեծ հրաշք: Բայց, հավանաբար, մենք տարիներ ի վեր սովորել ենք դրան, որ դա նորմալ է, որ մենք գալիս ենք ժամերգության և ընդունում ենք Սուրբ Հաղորդությունը: Եղբայրներ և քույրեր, ինդրում եմ չտոնաք, թե դա ինչ է նշանակում այդ սնունդը Աստծու կողմից է պատրաստված, դա մի մեծ հրաշք է: Երբեք մի մոռացեք Սուրբ Հաղորդության հրաշքը:

Նրանք կարողացան նաև Աստծո օգնությունը հասկանալ: Հաճախ նրանք այնպիսի իրավիճակներում էին գտնվում, որից դուրս գալու համար ոչ մի ելք չէին կարողանում գտնել: Իսկ Աստված նրանց ցույց էր տալիս՝ ,, Ինձ համար ոչինչ անհնար չէ, ես կարող եմ ձեզ օգնել: Վստահեք ինձ,։ Դա այն էր, ինչ նրանք ապրեցի անապատում դեգերելու ժամանակ: Նրանք ապրեցին Աստծո ներկայությունը իրենց մեջ՝ Նրա խոսքի, մանանայի և նրա օգնության շնորհիվ: Դա վերաբերում է նաև մեզ: Իսկ Աստված մնում էր հավատարիմ, անգամ, եթե նրանք հավատարիմ չէին մնում: Աստված շատ պատճառներ ուներ ասելու՝, Ես դադարեցնում եմ, դուք հավատարիմ չեք, դուք ինձ չեք վստահում, մնացեք այնտեղ, որտեղ որ էիք,։ Ոչ, Աստված երբեք նրանք միայնակ չթողեց: Անկեղծ ասած, մարդկային տեսանկյունից Աստված շատ պատճառներ ուներ ասելու՝, Ես թողնում եմ նրանց գնալ, ես դադարեցնում եմ: Ես նրանց հաճախ եմ ասել, թե ինչ պետք է անեն և ինչ չպետք է անեն, իսկ նրանք հակառակն են անում,։ Նա կարող էր



Շրջանային առաքյալի օգնական Ջոն Ֆենդլթը և շրջանային առաքյալ Էնրիքե Մինիոն հրավիրվեցին գոհաստեղանի մոտ՝ սպասավորելու



Գլխավոր առաքյալը Ֆրեդդի Նույադին / կենտրոնում/, Մեդի Սաբալին / աջ կողմում/ ձեռնադրեց առաքյալներ

դա իմ մասին ասել, և ես ասում եմ ձեզ, նա շատ պատճառներ կունենար դա ասելու: Բայց, ինչպես Աստվածաշնչում է գրված՝ Հիսուսը չի ամաչում մեր եղբայրը լինելուց: Նա մնում է մեզ մոտ՝ չնայած մեր թուլություններին:

Մենք հավատում ենք, առաջ ենք քայլում, խոստումը դեռ չի իրականացել, բայց մենք կարող ենք Աստծո ներկայությունը մեր մեջ ապրել: Մենք ոչ մի պատճառ չունենք դադարեցնելու: Ես շատ ուրախացա, երբ լսեցի երգչախմբին, երբ նա կատարեց „ Երբեք մի դադարեցրու,“ երգը: Դուք հասկացաք այսօրվա ավետիսը երբեք չդադարեցնել, շարունակեք քայլել հավատով: Մենք ոչ մի պատճառ չունենք դադարեցնելու և Եգիպտոս վերադառնալու: Եթե մեք որոշել ենք մերժել չարին, ապա Աստված մեզ կազատի չարի տիրապետությունից, ուրեմն՝ մի դադարեցրեք և մի վերադարձեք Եգիպտոս: Մի ասեք „ Հիսուսն իր խոստումը չի կատարել, ես ետ եմ գնում դեպի մեղք և օգտագործեմ չարի ճանապարհը, որպեսզի ստանամ այն, ինչ ուզում եմ,“: Ես վստահ եմ, որ դուք հասկանում եք, թե ինչ նկատի ունեմ: Մի վերադարձեք Եգիպտոս միայն այն բանի համար, որ այնտեղ ավելի հարմարավետ է և գեղեցիկ: Ես գիտեմ, որ ձեր կյանքը շատ ավելի պարզ կլինի, եթե դուք մի քիչ ավելի շատ մեղք գործեիք: Խնդրում եմ, մի դադարեցրեք, շարունակեք գնալ հավատի ճանապարհով, մի վերադարձեք Եգիպտոս:

Բարայելի ժողովուրդը բազմիցս փորձել է պարզ մնալ, որտեղ էլ եղել է: Նրանք ասում էին „ Խոստումը երբեք չի իրականանալու, այստեղ այնքան էլ վատը չէ, եկեք այստեղ մնանք,“: Բավականին տխուր է,

երբ շատ քրիստոնյաներ դադարեցնում են: Նրանք այլևս չեն փափագում հավիտենական լինել Աստծո արքայությունում, Աստծո հետ կատարյալ միասնության մեջ: Նրանք դադարեցնում են, նրանք այլևս չեն ձգտում նմանվել Քրիստոսի կերպարին և ասում են „ Եկեք պարզապես այստեղ մնանք,“: Մենք հավատում ենք Աստծուն, մենք հնազանդ ենք, և մենք ուզում ենք, որ Աստված մեզ օգնի մեր երկրային կյանքում, որ նա լուծի մեր խնդիրները, որ նա մեզ իր օրհնանքը տա, բայց ամեն ինչ կենտրոնացվում է երկրային կյանքի, երկրային գործերի վրա: Իսկ Աստծո երկնային արքայության մեջ ապրելու հույսն անհետանում է: Խնդրում եմ, եղբայրներ և քույրեր, մի կորցրեք ձեր հույսը: Խոստումը դեռ վավերական է: Օգտագործեք ձեր հավատը և Հիսուս Քրիստոսին ոչ միայն երկրային գործերի համար: Մի դադարեցրեք: Մենք նախապատրաստվում ենք Քրիստոսի գալստյանը: Բարայելի ժողովուրդը ևս փորձում էր ասել „ Մենք հոգնել ենք Մովսեսից, մենք ուրիշ առաջնորդ ենք ուզում: Մենք նրանից գոհ չենք, նա այլևս լավը չէ: Ինչ նա մեզ պատմել է, լավը չէր: Եկեք այլ առաջնորդ փնտրենք,“: Եկեք այսօր հավատարմորեն հետևենք առաքյալներին: Նրանք առաքված են, որպեսզի մեզ առաջնորդեն դեպի Աստծո արքայություն: Երբեմն նրանց ասածները մեզ դուր են գալիս, երբեմն ոչ, բայց մենք գիտենք, որ նրանք ուղարկվել են, որպեսզի մեզ առաջնորդեն դեպի Աստծո արքայություն: Եկեք նրանց մինչև վերջ հետևենք: Մենք գիտենք, որ խոստումը դեռ կատարված չէ:

Հիսուսը դեռ չի եկել, մենք դեռ չունենք Քրիստոսի կատարյալ կերպարը, եկեղեցին դեռ կատարյալ



Ժամերգությունից հետո գլխավոր առաքյալի հետ են հանգստի անցած առաքյալներ Ալֆրեդո Պասկալը / ձախ կողմում/ և Քլեոֆաս Բուալը/ աջ կողմում/

չէ, մեր միասնությունը ևս դեռ կատարյալ չէ, խոստումները դեռ չեն իրականացվել, բայց մենք չենք դադարեցնում: Մենք հավատում ենք և առաջ գնում, մենք քայլում ենք հավատի ճանապարհով:

Միբերի եղբայրներ և քույրեր, բողոքելու փոխարեն, որ խոստումները դեռ չեն կատարվել, եկեք ճանաչենք, թե ինչ է դա նշանակում մեզ համար: Բիարկե, մենք դեռ կատարյալ չենք, մենք դեռ չենք նմանվել Քրիստոսի կերպարին չնայած տարիների այն աշխատանքին, որ մենք կատարել ենք այդ ուղղությամբ: Ի՞նչ է դա նշանակում ինձ համար: Դա նշանակում է, որ ես լիովին կախված եմ Հիսուսի ողորմածությունից: Ես կարիք ունեմ Հիսուս Քրիստոսի ողորմածության: Ես միայնակ չեմ կարող կատարյալ լինել: Ես կարիք ունեմ ողորմածության: Դա նշանակում է, որ ես պետք է հնազանդ լինեմ և աղոթեմ՝ ,, Հիսուս, տուր ինձ քո ողորմածությունը: Առանց քո ողորմածության ես կորած եմ,,: Քանի որ մենք գիտենք, որ մենք դեռ կատարյալ չենք, պետք է լինեք հնազանդ և խնդրենք Հիսուսի ողորմածությունը: Այո, մենք սպասավորներս, դեռ կատարյալ չենք, դա ակնհայտ է: Դա նշանակում է, որ մենք չենք կրող գոհ լինել մեզնից: Մենք պետք է մեր գիտելիքները և Ավետարանի մեր ըմբռնումը զարգացնենք: Մենք պետք է դեռ սովորենք ավելի շատ և ավելի լավ սիրելը: Մենք էլ ենք կախված Հիսուս Քրիստոսի ողորմածությունից, բայց մենք ևս պետք է առաջ գնանք, որպեսզի ընդառաջենք մեր ծառայությանը: Անգամ, երբ մենք Տիրոջը ծառայում ենք քառասուն, հիսուն տարի, մենք պետք է դեռ սովորենք: Աստծո ծառաներ, սիրելի համաձայնակիցներ, եկեք ողջախոհ լինեք, մենք

դեռ այնպիսին չենք, ինչպիսին Աստված է ուզում մեզ տեսնել: Մի դադարեցրեք, շարունակեք առաջ գնալ: Սովորեք, սովորեք ու սովորեք: Բիարկե, եկեղեցին բոլորովին կատարյալ չէ, կարելի է այդ հարցով բողոքել: Բայց, Աստծո խելացի զավակներն ասում են ,, Ես պետք է ավելի շատ բան անեմ եկեղեցու միության համար: Ես պետք է ավելի շատ բան անեմ իմ եղբոր, իմ քրոջ համար, ես պետք է նրանց ավելի շատ սիրեմ: Ես կարող եմ մերձավորի հանդեպ սիրո մեջ առաջադիմեմ,,: Բողոքելու փոխարեն մենք ասենք ,, Ես կարող եմ ավելին անել և ավելի լավ անել, օգնիր ինձ այդ գործում,,:

Եղբայրներ և քույրեր, դա այսօրվա պատգամն է: Խոստումը, որ մեզ տրվել է շատ տարիներ առաջ, դեռ վավերական է, այնքան ժամանակ, ինչ մենք երկրի վրա ենք, մենք պետք է հավատանք և առաջ քայլենք, որպեսզի առաջ գնանք: Մենք չպետք է դադարեցնենք: Այն, ինչ ասում է Աստված, ճշմարտություն է, մենք վստահ ենք, որ նա դա անելու է, ինչ խոստացել է, իսկ մենք համբերությամբ սպասում ենք: Բայց, մենք պետք է շարունակենք մեր ճանապարհը, որպեսզի մեր սերն ու իմացությունը զարգացնենք: Մենք չենք դադարեցնում, մենք պայքարում ենք մեր թշնամու դեմ և մենք աշխատում ենք Աստծո գործի միասնության համար: Մենք ճանաչում ենք Աստծո ներկայությունը մեր մեջ իր խոսքով, առաքյալների միջոցով, Սուրբ Հաղորդության միջոցով և առօրյա կյանքում նրա օգնության միջոցով: Մենք չենք ուզում ետ վերադառնալ Եգիպտոս, մենք չենք ուզում այստեղ երկրի վրա մնալ, մենք ուզում ենք լինել Աստծո արքայության մեջ, և մենք ուզում ենք միասին ոտք դնել այնտեղ: Եկեք հետևենք Քրիստոսին ու առաքյալներին մինչև վերջ և կիմանանք, որ Աստված հավատարիմ է, նա պահում է իր խոստումը:

Հիմնական մտքեր

Մենք գիտենք, որ սիրված ենք Աստծո կողմից, և մենք վստահում ենք նրան: Մենք շարունակում ենք մեր հոգևոր զարգացումը և ապրում ենք Աստծո ներկայությունը մեր կողքին: Մենք ապրելու ենք նրա խոստման իրականացումը:

Սեպտեմբերի 22-ին գլխավոր առաքյալ Ժան-Լյուք Շնայդերն այցելեց Գամբիայի Բանջուրի համայնք, հյուրընկալողը շրջանային առաքյալը Ռայներ Շթորբն էր (աջից երկրորդը)

Լուսանկարներ՝ ՄՆԱԵ Գամբիա



Աստծո խոսքը պարզ լեզվով

Հավատք, ուսմունք, քարոզներ՝ ամեն ինչ հիմնված է Աստվածաշնչի վրա: Ահա թե ինչու շատ կարևոր է, որ հոգևորականները և համայնքներն իմանան այդ մասին: Բայց Սուրբ Գիրքը չի կարող պարզապես կարդացվել մյուս գրքերի նման- ցուցումներ գլխավոր առաքյալի հետ ժամերգությունից:

Մխիթարություն, ուժեղացում, օրհնություններ՝ Որոշ մարդիկ ցանկանում են տեսնել հրաշքներ: Բայց «Մեր Աստվածն այդպես չի աշխատում»: Ավելի շուտ՝ «Աստված ցանկանում է խոսել մարդկանց հետ: Եվ նա ցանկանում է, որ մարդիկ լսեն իրեն: Եվ, ահա թե ինչու է մեր եկեղեցում քարոզն այդքան կարևոր»: Այս մասին սեպտեմբերի 22-ին Բանջուրում (Գամբիա) ասաց գլխավոր առաքյալ Ժան-Լյուք Շնայդերը: «Զոհասեղանից ասված ամեն խոսքը չէ, որ Աստծո խոսքն է»: Քարոզը անկատար է, քանի որ դա անկատար մարդն է, ով քարոզում է: Այնուամենայնիվ, «Սուրբ Հոգին կարող է գործացնել չնայած այս անկատարությանը»:

«Աստվածաշնչի լավ իմացություն է պետք» որովհետև «Աստվածաշունչը մեր հավատքի հիմքն է: Այսպիսով, սպասավորները պետք է իմանան Աստվածաշունչը»: Եվ ի դեպ «Հավատացյալներն էլ պետք է իմանան Աստվածաշունչը: Քանի որ, հակառակ դեպքում, դժվար է հասկանալ քարոզի իմաստը»: Ավելին՝ «Աստվածաշունչը կարդալը տալիս է Աստծու մխիթարություն և իմաստություն»:

Գիրք, որը նման չէ ուրիշներին

«Մարդ չի կարող կարդալ Աստվածաշունչը, ինչպես մեկ այլ գիրք է կարդում» որովհետև «Այն, ինչ գրված

է Սուրբ Հոգով, պետք է կարդալ նաև Սուրբ Հոգով ներշնչված: Հակառակ դեպքում, դուք իսկապես չեք կարող դա հասկանալ»:

Կանոնների և օրենքների ժողովածու - այսպես են բնութագրում օրենսգետները Սուրբ Գիրքը: Բայց՝ «Հիսուսն ասաց՝ «Մա չէ՛ Սուրբ Գրքի ճշմարիտ հասկացողությունը»: Այլ՝ «Նա, ով ներշնչված է Սուրբ Հոգուց, գիտի, որ բոլոր Գրքերը վկայում են Հիսուս Քրիստոսին»:

Երկնքի և երկրի միջև

«Դա Հիսուսի ժամանակ էր: Իսկ ինչ է լինում մեզ հետ մեր օրերում,- հարցրեց գլխավոր առաքյալը և զգուշացրեց գրությունները սխալ մեկնաբանելուց:

- «Աստվածաշունչը չի կարող փոխարինել գիտությանը»: որովհետև տեքստերն արտացոլում էին իրենց ծագման ժամանակի գիտելիքները: Այսպիսով, հեղինակները կարծում էին, որ արևը պտտվում է երկրի շուրջը (Հեռու 10:12) , և, որ երկիրը հարթ է (Հայտնություն 7:1):
- «Աստվածաշունչը չի կարող որոշումներ կայացնել» որովհետև «Աստված չի ուզում մեր փոխարեն որոշումներ կայացնել: Սուրբ Հոգին մեզ ասում է միայն այն, ինչ մենք պետք է հաշվի առնենք մեր որոշումը կայացնելու համար: Բայց, մենք ինքներս պետք է որոշենք»:

Այս համատեքստում եկեղեցու առաջնորդը վկայակոչեց մի խոսք՝ «Աստվածաշունչը մեզ չի բացատրում երկինքն ու երկիրը, այլ ասում է, թե ինչպես պետք է ապրենք երկրի վրա, որպեսզի հասնենք դրախտ»:



Շրջանային Առաքյալ Կուրորա Սոկոն սեպտեմբերի 22-ին Գամբիայում ծառայեց ժամերգության ժամանակ

Ճիշտ հասկանալ հակասությունները

«Անիմաստ է» որոշումներ կայացնել՝ հիմնավերով Աստվածաշնչի առանձին հատվածների վրա: Շատ կետերում կարելի է գտնել ամեն ինչ Աստվածաշնչում, իսկ հետո նաև՝ ճիշտ հակառակը: Քարոզը բացահայտում է որոշ հակասություններ.

- Երբեմն Աստված ցանկանում է, որ Բարայելի ժողովուրդը կռվի, երբեմն՝ ոչ: Երբեմն Հիսուսը ցանկանում է, որ աշակերտները գնան միայն հրեաների մոտ, երբեմն նրանք պետք է գնան հեթանոսների մոտ: «Պատկերացրեք, բացեք Աստվածաշունչը և գտնեք այս նախադասություններից միայն մեկը»:
- Ա Կորնթացիներին 7.26-33-ում Պողոսը խորհուրդ է տալիս, որ ամուսնությունը չպետք է արվի Տիրոջը հաճոյանալու համար: Բայց 1-ին Տիմոթեոս 4:1-3-ը կեղծ ուսուցիչներ է անվանում նրանց, ովքեր խորհուրդ են տալիս ամուսնությունից հրաժարվել: «Ուրեմն Պողոսը սուտ ուսուցիչ էր»:
- 1-ին Տիմոթեոս 2-ում նախ ասվում է, որ Աստված ցանկանում է փրկել բոլոր մարդկանց: Իսկ մի քանի համար հետո ասվում է, որ կանայք կարող են փրկվել միայն երեխա ունենալու դեպքում: Դա կնշանակի, որ Աստված փրկություն է ուզում բոլորին, բացառությամբ այն կանանց, որոնց ինքը թույլ չի տալիս երեխաներ ունենալ:

«Ինչ վերաբերում է մարդկային ըմբռնմանը, այնտեղ մենք մեծ խնդիր ունենք»: Բայց, «Աստված ասում է «Օգտագործիր Սուրբ Հոգին բաները հասկանալու համար: Եվ քեզ օգնելու համար ես առաքյալների ուղարկեցի»: Նրանք ունեն Աստվածաշունչը մեկնաբանելու առաջադրանք և լիազորություն:

Ճիշտ լուսաբանել պատգամները

«Երբ մենք կարդում ենք Հին կտակարանը Սուրբ Հոգու լույսի ներքո, ի՞նչ կարող ենք զգալ», - հարցրեց եկեղեցու առաջնորդը և պատասխանեց՝ «Աստված սիրում է անվերապահորեն: Նա հավատարիմ է և կատարում է իր բոլոր խոստումները: Նա ակնկալում է, որ մարդիկ հավատան և վստահեն իրեն: Նա խնդրում է մեզ՝ սիրել Աստծուն և մերձավորին: Ընտրությունը հիմնված է շնորհի և ոչ թե՛ վաստակի վրա. Դա ծառայելու կոչ է»:

Պատգամները Նոր կտակարանից՝ Հիսուս Քրիստոսը Աստծո Որդին է, ով եկավ երկիր: Փրկությունը բաղկացած է հավերժական հաղորդակցությունից Քրիստոսի և Նրա հետ: Բոլոր մարդիկ կարող են փրկվել, եթե հավատան Հիսուս Քրիստոսին: Նրանք, ովքեր ցանկանում են պատրաստվել Տիրոջ վերադարձին, պետք է վերստին ծնվեն ջրից և Հոգուց, Սուրբ Հաղորդություն ստանան և հետևեն առաքյալի ուսմունքներին:

Գլխավոր առաքյալի եզրակացությունը՝ «Աստվածաշունչն իսկապես ուժի, մխիթարության և իմաստության հրաշալի աղբյուր է: Մենք պետք է ճանաչենք դրանք: Մենք պետք է կարդանք դրանք: Բայց մենք պետք է ոգեշնչվենք Սուրբ Հոգուց: Առաքյալն ուղարկվել է Հիսուսի կողմից, որպեսզի օգնի մեզ ճիշտ հասկանալ Աստվածաշունչը: Եվ երբ մենք դա անում ենք, Աստվածաշնչում գտնում ենք այն ամենը, ինչ մեզ անհրաժեշտ է փրկության հասնելու համար»:

Հիմնական մտքեր

Հովհաննես 5,39

Քննեցեք Գրքերը, քանի որ կարծում եք, թե նրանցով հավիտենական կյանք կունենաք: Բայց այդ Գրքերն իսկ վկայում են իմ մասին:

Մեր հավատքը հիմնված է Աստվածաշնչի վրա: Եթե Աստվածաշունչը Սուրբ Հոգու լույսի ներքո է կարդացվում, ապա այն մխիթարության և իմաստության աղբյուր է հանդիսանում: Հիսուսը առաքյալների վստահեց լիազորություն և առաջադրանք՝ Սուրբ Հոգու միջոցով դրանք մեկնաբանելու:


ՀԻՍՈՒՍԸ ԼՎԱՆՈՒՄ Է ԻՐ ԱՇԱԿԵՐՏՆԵՐԻ ՈՏՔԵՐԸ

ԸՍՏ ՀՈՎՀԱՆՆԵՄԻ 13, 1-20-Ի

Զատկի տոնից առաջ էր:
Հիսուսը իմացավ, որ
հասել է ժամը, որպեսզի
այս աշխարհից Հոր
մոտ փոխադրվի: Իր
աշակերտների հետ
նա տոնում է վերջին
Ընթրիքը:


Նա վեր կացավ ընթրիքի
սեղանից, մի կողմ
դրեց զգեստները և մի
զոգնոց կապեց: Ապա ջուր
վերցնելով՝ ածեց կոնքի մեջ
և սկսեց իր աշակերտների
նոտքերը լվանալ և
զոգնոցով չորացնել:
Երբ նա մոտեցավ
Պետրոսին, նա

ասաց՝ „Տեր, դու՞ ես իմ
նոտքերը լվանում,,: Հիսուսը
պատասխանեց՝ „Ինչ որ
ես անում եմ, դու հիմա
չես իմանում, բայց հետո
կիմանաս,,:
Ապա Պետրոսը ասում է
նրան՝ „Իմ նոտքերը հավիտյան
չես լվանա,,:
Հիսուսը պատասխանեց՝ „Եթե
քեզ չլվանամ, ինձ հետ մաս
չունես,,:
Պետրոսն ասաց նրան՝ „Տեր, ոչ
թե միայն իմ նոտքերը, այլև իմ



ձեռքերն ու գլուխն էլ լվա,,:
 Հիսուսը նրան ասաց ,,
 Լվացվածին ուրիշ բան պետք
 չէ, բայց միայն ոտքերը լվանալ,
 քանի որ ամբողջությամբ
 մաքուր է, և դուք մաքուր եք,
 բայց ոչ բոլորդ,,:
 Հիսուսը գիտեր, որ իր
 աշակերտներից մեկը
 դավաճանելու է իրեն: Նա ասում
 է աշակերտներին ,, Գիտե՞ք, թե
 այդ ինչ արեցի ձեզ: Դուք ինձ
 վարդապետ և Տեր եք
 կոչում, և լավ եք անում,
 քանի որ իսկապես
 ես եմ, իսկ արդ՝ եթե

ես՝ տերս և Վարդապետս,
 լվացի ձեր ոտքերը, դուք
 էլ պատրաստ եք միմյանց
 ոտքերը լվանալու, որովհետև
 մի օրինակ տվի ձեզ, որ,
 ինչպես ես ձեզ արեցի,
 դուք էլ նույն ձևով անեք:
 Ճշմարիտ եմ ասում, ծառան
 ավելի մեծ չէ, քան իր
 տերը, և ոչ էլ ուղարկվածը՝
 ավելի մեծ, քան նա, ով
 նրան ուղարկեց: Ով
 որ ընդունի նրան,
 ում ես կուղարկեմ,
 ինձ է ընդունում,
 և ով ինձ է ընդունում,
 ընդունում է նրան, ով
 ինձ ուղարկեց:



ԱՅՅԵԼՈՒԹՅՈՒՆ ԴԱՎԹԻՆ՝ ՆԴՈԼԱՅՈՒՄ / ԶԱՄԲԻԱ/

Մուլիշանի՝ Իբիբեմբա լեզվով սա նշանակում է՝
„ Ինչպե՞ս ես,,; դա 72 լեզուներից մեկն է, որոնցով
խոսում են Զամբիայում: Դա ամենաշատը խոսվող
լեզուն է այն շրջանում, որտեղ ես եմ ապրում:
Մենք այն անվանում ենք Քափրբեյթ, գերմաներեն
պղնձե գոտի, քանի որ այստեղ պղնձի մեծ հանքեր
են կառուցված: Ես ապրում եմ Նդոլա քաղաքում,
Քափրբեյթ նահանգի մայրաքաղաքում:



Իմ անունը Դավիթ է, ծնվել եմ 2011-ի հունիսի 10-
ին: Այսինքն՝ շուտով ես 11 տարեկան եմ դառնալու:
Իմ ընտանիքը բաղկացած է հետևյալ անդամներից՝
հայրս, մայրս, հինգ տարեկան քույրս՝ Լուբութոն
և ես: Իմ հայր Թրեվորը մեր համայնքի քարոզիչն
է: Նա աշխատում է զամբիական հեռախոսային
ձեռնարկություններից մեկի մարկեթինգի ոլորտում:
Իմ մայր Մվեշին ֆիզիոթերապևտ է և աշխատում է
մի մեծ հիվանդանոցում:

Ես սովորում եմ 6-րդ դասարանում: Իմ քույրը գալիս
է այն նույն դպրոցը, որտեղ ես եմ սովորում, նա
այնտեղ հաճախում է մանկապարտեզ: Իմ սիրած
առարկաներն են՝ մաթեմատիկան, երաժշտությունը
և անգլերենը:



Մենք բոլորս
նորառաքելականներ ենք՝
այստեղ ես ձեզ ցույց եմ տալիս
մեր եկեղեցին: Այն ամենամեծ
եկեղեցին է Զամբիայում, այն
շուրջ 5000 քույր-եղբայրների
համար է նախատեսված:
Արդեն երկու անգամ
գլխավոր առաքյալն այստեղ
ժամերգություն է անցկացրել:
Եկեղեցին օծվել է 2014—
հուլիսի 20-ին, այն ժամանակ
ես 4 տարեկան էի:




Կիրակնօրյա դպրոցի պարապմունքները մենք անց ենք կացնում կիրակի օրերը ժամերգությունից հետո: Երաժշտական պարապմունքները և երգչախմբի փորձերը տեղի են ունենում շաբաթ օրերին: Ես ամենփոքր մասնակիցն եմ մեր մարզի նվագախմբում, ես նվագում եմ ջութակ: Մյուս նվագողները շատ պատրաստակամ են ինձ օգնելու, հաճախ նրաք ինձ թույլ են տալիս ժամերգության ժամանակ և համերգներին դիրիժորություն անել: Երբեմն ես դիրիժորություն եմ անում նաև մանկանան երգչախմբի համար: Ես սիրում եմ իմ համայնքը, կիրակնօրյա դպրոցի իմ ընկերներին, ուսուցիչներին և դիրիժորներին: Ես պարզապես սիրում եմ իմ եկեղեցին:



Տանը ևս հաճույքով զբաղվում եմ երաժշտությամբ: Ես նվագում եմ սրինգ, ջութակ և դաշնամուր: Իմ քույրն էլ է հետաքրքրվում երաժշտությամբ, ես նրան ջութակ նվագել եմ սովորեցնում: Իմ երագանքն է, որ մի օր իմ եկեղեցում օգնեմ երաժշտական աշխատանքներին:

Եթե ես երաժշտությամբ չեմ զբաղվում, ապա հեռուստացույց են դիտում կամ համակարգչով եմ խաղում: Կամ ես հոգ եմ տանում իմ ձագարների համար, կերակրում են նրանց, պարզապես հիանալի է նրանց տեսնելը, թե ինչպես են նրանք թռչկոտում:

Զաբիայում հիմնական սնունդը եգիպտացորենն է, օրինակ, եգիպտացորենի այլուրից եփվում է հացահատիկային շիլան, որը չի բացակայում ոչ մի ուտեստի ժամանակ: Իմ ամենսիրելի ուտելիքը սամփն է, որը բաղկացած է եգիպտացորենի խոշոր կտրտած հատիկներից: Պիցցա էլ եմ սիրում: Ես հաճախ եմ օգնում մայրիկիս ճաշ եփելիս: Ես արդեն կարողանում եմ բրինձ եփել, ձու տապակել և մի հեշտ նախաճաշ պատրաստել:



Կանանց ձեռնադրություն՝ հիմքերը

Առաքյալները, Աստծո գաղտնիքների տնտեսներն են, / Կորնթ. Ա 1/: Այն թեմաների պարագայում, երբ չկան աստվածաշնչյան միանշանակ պատասխաններ, առաքյալների ծառայությունը Սուրբ Հոգու օգնությամբ և քանականությամբ ընդունելի որոշումներ է կայացնում: Դրանց թվին է պատկանում այն հարցը, թե արդյոք տղամարդիկ ու կանայք հավասար արժանապատվություն ունեն պաշտոնի լիազորություն և պաշտոնի առաջադրանք ստանալու համար:

Գլխավոր առաքյալ Ֆեիրը իր պաշտոնավարման ժամանակաշրջանում բազմատեսակ պարզաբանումներ է տվել նորառաքելական եկեղեցու ուսմունքի վերաբերյալ: Նա ձեռնամուխ եղավ մի գրքի շարադրանքի, որտեղ ներկայացված կլինի նորառաքելական եկեղեցու ուսմունքը: Այդ ջանքերի արդյունքը եղավ դավանաբանությունը, որը լույս տեսավ 2012-ին, գլխավոր առաքյալ Լեբերի պաշտոնավարման ժամանակահատվածում:

Եկեղեցու նորառաքելական ըմբռնումը այնուհետև զարգացավ Նորառաքելական եկեղեցու դավանաբանության մեջ, որտեղ որոշիչ դեր է խաղում տեսանելի և սխալական եկեղեցիների և Հիսուս Քրիստոսի անտեսանելի ու կատարյալ եկեղեցու տարբերությունը: Այնուամենայնիվ, պաշտոնի վերաբերյալ իրական ուսմունքը դեռևս չէր կարող ներկայացվել դավանաբանությունում: Դրանում, սակայն, նշվեցին պաշտոնի մասին ապագա ուսմունքի որոշ էական ասպեկտներ և բացվեցին մտքի ուղիներ:

Որպես դրա օրինակ՝ հղում է արվում հավատքի հինգերորդ դրույթի բացատրություններին, որտեղ տարբերակում է արվում պաշտոնի և ծառայության միջև և նշվում են ձեռնադրության հիմնական տարրերը. «Մարդը, -այսպես է արտահայտվում հավատանքի դրույթի մեջ,- կրում է իր պաշտոնը աստվածային կամքով և ոչ թե մարդկային որոշմամբ: Սա իրականացվում կամ կատարվում է առաքյալների ծառայության կողմից: Պաշտոնը և առաքելոց ծառայությունը ուղղակիորեն կապված են: Հետևաբար, որտեղ առաքելական ծառայությունն ակտիվ է, այնտեղ կա նաև հոգևոր պաշտոն (տես 7): Բացի այդ, Քրիստոսի եկեղեցում Ավետարանի տեղեկացման և հավատացյալների բարօրության համար կան բազմաթիվ ծառայություններ, որոնք կարող են կատարվել նաև առանց ձեռնադրության [...] Հոգևոր պաշտոնի համար ձեռնադրությունը պարունակում է երեք ասպեկտ՝ «լիազորություն, օրհնություն և սրբություն»: «Լիազորություն»

տարրը վճռորոշ նշանակություն ունի հատկապես քարոզիչ սպասավորների դեպքում, քանի որ նրանք իրավասու են առաքյալի անունից հայտարարելու մեղքերի թողություն և մատուցելու Սուրբ Հոգու օգնությունը: Քարոզիչ սպասավորները, հետևաբար, մասնակցում են առաքյալների կողմից եկեղեցական խորհուրդների ճիշտ կառավարմանը: Աստծո համընդհանուր փրկարար կամքի ճիշտ տեղեկացումը տեղի է ունենում նաև առաքյալի շնորհած «լիազորության» միջոցով: «Օրհնության» միջոցով աստվածային ուղեկցությունն ու Սուրբ Հոգու օգնությունը խոստացված են թե՛ քարոզչական և թե՛ սարկավազական ծառայության իրականացման ժամանակ: «Սրբացումը» ցույց է տալիս, որ Աստված ինքն իր սրբությամբ և անձեռնմխելիությամբ ցանկանում է գործել պաշտոնի միջոցով:

Պաշտոնի մասին նորառաքելական հայեցակարգի ձևավորման ուղղությամբ աշխատանքները սկսվել են 2014 թվականին: Այնուհետև 2019 թվականին լույս է տեսել «Հոգևոր պաշտոնի նորառաքելական ըմբռնումը – Մեկնություն ՆԱԵԴ 7»-ի շարադրանքը: Պաշտոնի մասին այդ մեկնաբանություններում պաշտոնի լիազորությունն ու պաշտոնի առաջադրանքը էական հասկացություններ են: Դրանք հակիրճ կքննարկվեն ստորև:

Եզրակացություն. Առաքյալների ծառայությունը՝ առաքյալները գլխավոր առաքյալի հետ միասին, խնդիր ունի Սուրբ Հոգու առաջնորդությամբ ապահովելու համայնքներում պատշաճ կարգուկանոնը: Հնարավորության հարցը, թե արդյոք տղամարդիկ և կանայք հավասարապես արժանի են պաշտոնի լիազորություն և պաշտոնի առաջադրանք ստանալու, այն հարցերից է, որ առաքյալների ծառայությունը պետք է պատասխանի և որոշի ապագայի համար:

Պաշտոնի լիազորություն և պաշտոնի առաջադրանք

Դավանաբանությունն արդեն ընդգծում է, որ «լիազորության» պահը վճռորոշ նշանակություն ունի» (ՆԱԵԴ 2.4.5): Դավանաբանության մեջ խոսվում է նաև առաջադրանքի մասին,, Սպասավոր եղբայրը իր առաջադրանքը կատարում է իրեն տրված լիազորության շրջանակում: Դրա համար նա առաջադրանք է ստանում իր առաքյալից, ով նրան աշխատանքային ոլորտ է հատկացնում» (ՆԱԵԴ 7.8): Պաշտոնի ըմբռնման վերոհիշյալ շարադրանքում հիմնվելով շրջանային առաքյալների ժողովի որոշման վրա, ասվում է հետևյալը՝ «Պաշտոնը ներառում է և՛ պաշտոնի լիազորությունները, և՛ պաշտոնի առաջադրանքը: Պաշտոնի լիազորությունը աստվածաբանական բնույթ է կրում, պաշտոնի առաջադրանքը՝ եկեղեցական-կանոնական,»:

- Պաշտոնի լիացորության սահմանումը՝ Պաշտոնի լիազորությունը Հիսուս Քրիստոսի վրա հիմնված և առաքյալի կողմից Սուրբ Հոգու գործությամբ ձեռնադրված իրավունքն է՝ գործելու և խոսելու եռամասնական Աստծո անունով: Պաշտոնի լիազորությունը տրվում է ձեռնադրությամբ: Այն ավարտվում է առաքյալի կողմից պաշտոնի հրաժարականի ընդունմամբ, պաշտոնից հեռացնելու կամ մահվան պատճառով:
- Պաշտոնի առաջադրանքի սահմանում՝ Պաշտոնի առաջադրանքով սպասավոր եղբայրը ստանում է իրավունք և պարտականություն՝ իրականացնելու իրեն վերապահված պաշտոնի լիազորությունները՝ տարածական և ժամանակային սահմանված շրջանակներում: Ծառայությունն ավարտվում է իրավասության շրջանակի փոփոխության, թռչակի անցնելու, առաքյալի կողմից հրաժարականի ընդունմամբ, պաշտոնից հեռացնելու կամ մահվան պատճառով»:

Պաշտոնի լիազորությունը, ի թիվս այլ բաների, վերաբերում է եկեղեցական խորհուրդների վարմանը, Աստծո խոսքը քարոզելու և ձեռնադրելու իրավունքին: Պաշտոնի առաջադրանքով կարգավորվում է այն համատեքստը, որում պետք է իրականացվի պաշտոնի լիազորությունը համայնքում, մարզում, տարածաշրջանային եկեղեցում: Այս առումով, տեղին է պաշտոնի առաջադրանքը ընկալել որպես կանոնական, հետևաբար և պրագմատիկ չափ:

Ո՛չ դավանաբանությունում, ո՛չ էլ պաշտոնի ըմբռնման վերաբերյալ հետագա բացատրություններում հստակորեն նշված չէ,

որ պաշտոնի լիազորությունները և պաշտոնի առաջադրանքը կարող են փոխանցվել միայն տղամարդկանց: Հենց «պաշտոնը կրողներ» տերմինը հուշում է, որ նշվածները պետք է լինեն տղամարդիկ: Բացի այդ, պաշտոնի համատեքստում, սակայն, օգտագործվում է նաև գենդերային չեզոք լեզու. «Մարդն իր պաշտոնն իրականացնում է աստվածային կամքի հիման վրա և ոչ թե՛ մարդկային որոշման» (ՆԱԵԴ 2.4.5):

Եզրակացություն՝ Աստվածաբանական հիմնավորում այն փաստի համար, որ միայն տղամարդիկ կարող են ձեռնադրվել, չկա մեր եկեղեցում պաշտոն հասկացության մասին գրություններում: Հետևաբար, հարց է առաջանում, թե արդյոք հոգևոր պաշտոնի սահմանափակումը միայն տղամարդկանց շրջանակով, որը պայմանավորված է երկրորդ դարից ի վեր ընդհանուր քրիստոնեական ավանդույթով, հիմնավոր է աստվածաշնչյան վկայության տեսանկյունից: Արժարժված խնդրին չի կարելի պատշաճ պատասխան տալ՝ մատնանշելով հասարակության մեջ կանանց և տղամարդկանց հավասար իրավունքները, որն արտահայտված է բազմաթիվ պետությունների սահմանադրություններում, այլ՝ աստվածաշնչյան բացահայտումների աստվածաբանական գնահատմամբ: Այս համատեքստում, Աստծո պատկերով մարդու մասին աստվածաշնչյան խոսակցությունը, ինչպես այն առկա է արարչագործության պատմություններում, վճռորոշ նշանակություն ունի:

Մարդու նմանությունն Աստծուն

Արարչագործության մասին Հին կտակարանի երկու պատմությունները, որոնք գտնվում են Ծննդոց 1:1-2:3 և Ծննդոց 2:4-3 հատվածներում, ամենակարևոր աստվածաբանական հիմքն են մարդու մասին որպես Աստծո պատկերով ստեղծված, խոսելու համար: Թեև արարչագործության առաջին պատմությունն ավելի վերացական բնույթ ունի, արարչագործության երկրորդ պատմությունը չափազանց պատկերավոր և պատմողական է:

Արարչագործության առաջին պատմությունը

Այն ձևակերպումը, որ մարդը Աստծո պատկերով է ստեղծված, գտնվում է Ծննդոց 1.26-27-ում: Բացի այդ, Ծննդոց 5:1.2 և Ծննդոց 9:6 համարները

խոսում են այն մասին, որ մարդը ստեղծված է Աստծո պատկերով: Արարչագործության առաջին պատմության մեջ Աստված ներկայացվում է որպես նա, ով ստեղծում կամ ձևավորում է իրականությունը վեց օրվա ընթացքում, այսինքն՝ ժամանակի ընթացքում, բացառապես իր խոսքով: Արարման իրադարձության վերջին փուլում վեցերորդ օրը, առաջինը ստեղծվում են գետնի վրա ապրող կենդանիները (Ծննդոց 1:24,25): Տարբեր գազանների արարելուց հետո Աստված դիմում է մարդու ստեղծմանը:

«Եվ Աստված ասաց՝ «Մարդ ստեղծենք մեր կերպարանքով ու նմանությամբ, նա թող իշխի ծովի ձկների, երկնքի թռչունների, ողջ երկրի անասունների և երկրի վրա սողացող բոլոր սողունների վրա: Եվ Աստված մարդուն ստեղծեց իր պատկերով, Աստծո պատկերով ստեղծեց նրան, արու և էգ ստեղծեց նրանց: Եվ Աստված օրհնեց նրանց և ասաց՝, Աճեցեք, բազմացեք, լցրեք երկիրը, տիրեցեք դրանք, իշխեցեք ծովի ձկների, երկնքի թռչունների, ողջ երկրի բոլոր անասունների ու երկրի վրա սողացող բոլոր սողունների վրա» (Ծննդոց 26-28):

Մարդու արարումը տարբերվում է մնացած բոլոր իրերի և կենդանի էակների արարչագործությունից: Սա արդեն երևում է նրանից, որ «Թող լինի...» ասված է ոչ թե չեզոք ձևով, ինչպես դա եղավ արարչագործության մյուս գործերի դեպքում, այլ ավելի շուտ՝ եռամասնական Աստծո ինքնահասցեագրության տեսքով. «Եկեք մարդ ստեղծենք...»: Մարդ ստեղծելու ինքնամարտահրավերը ընդլայնվում և մեծանում է նրանով, որ Աստված իրեն անմիջական հարաբերությունների մեջ է դնում մարդկանց հետ, քանի որ նրանք պետք է լինեն «պատկեր» «մեզ նման»: Աստված այսպիսով իրեն դնում է անդառնալի հարաբերությունների մեջ մարդու հետ, և մարդը նույնքան անդառնալի հարաբերությունների մեջ է դրվում Աստծո հետ:

Ծննդոց 1.27-ում Աստված կատարում է այն, ինչ նա որոշել է անել. Նա տղամարդուն ստեղծում է «իր պատկերով»՝ որպես «տղամարդու և կնոջ հոգնակի միավոր»: «Մարդ» այստեղ օգտագործվում է որպես ընդհանուր տերմին և բովանդակային առումով հասակեցվում է «տղամարդ և կին» կենսաբանական ճշգրտման միջոցով: Հետևաբար, երկու սեռերն ի սկզբանե և ըստ էության պատկանում են Աստծո պատկերով ստեղծված մարդուն: Տղամարդն ու կինը միավորված՝ արտացոլում են Աստծո փառահռոդությունը, միավորված շարունակում են

Աստծո արարչագործությունը: Նա իր վերնում ունի միայն Աստված: Նա կանգնած է Աստծո և աշխարհի միջև:

Տղամարդը կամ կինը, այսինքն՝ «մարդը», երկուսն էլ ստեղծված են Աստծո պատկերով, երկուսն էլ նույնական են, այսինքն՝ ուղղակի և անվերապահ կախվածության մեջ են Աստծուց: Հետևաբար, տղամարդն ու կինը արարելու նույն լիագործությունն ունեն, այն է՝ «կառավարել» և ներկայացնել Աստծուն արարչագործության մեջ: Բացի այդ, հոգնակի միավորը ցույց է տալիս, որ եսակենտրոնության և ընտրված մեկուսացման մեջ գտնվող մարդիկ չեն կարող իրականում կատարել իրենց մարդասիրությունը, այսինքն՝ Աստծո պատկերով լինելը: Հոգնակի միավորը կոնկրետանում է միայն «դու-ին փոխադարձ անցնելու ժամանակ»:

Տղամարդն ու կինը, կինը և տղամարդը միասին են, որովհետև մարդիկ ի սկզբանե ստեղծված են համայնքի համար: Մարդը՝ որպես տղամարդ և կին, օրհնված է Աստծո կողմից, առաջադրանք է ստացել նրանից. «Աճեցեք և շատացեք, լցրեք երկիրը և տիրեք նրան»: Մարդուն պատվիրված է սերունդ տալ: Այս կերպ նա պետք է կատարի Աստծուն արարչագործության մեջ ներկայացնելու և երկիրը իրեն «հնազանդեցնելու» խնդիրը պատմության ընթացքում:

Արարչագործության երկրորդ պատմությունը

Մինչ արարչագործության առաջին պատմությունը հայացք է նետում աշխարհին որպես ամբողջություն և բաժանում է նրա արարումը վեց դարաշրջանների, արարչագործության երկրորդ պատմությունն ունի պատմվածքի ձև՝ միմյանց արձագանքող կերպարներով: Արարչագործության երկրորդ պատմությունը ներկայացնում է մի տեսակ «շարունակություն», թեև այն ավելի վաղ ժամանակի է և գալիս է ավանդույթի այլ գծից: Արարչագործության երկու պատմությունները միմյանցից անջատված չեն, այլ կապված են միմյանց հետ՝ նոր միավոր կազմելու համար: «Եդեմի պատմությունը» հասկացվում է որպես կենդանի էակների ստեղծման մասին պատմության մեկնաբանություն ընդհանրապես, և մարդու մասին առանձնապես:

Ծննդոց 2.7-ում հաղորդվում է, որ մարդը Աստծու կողմից ստեղծվել է հողից: Ինչպես բրուտը, Աստված փռշուց մի կերպար է ստեղծում: Ադամ անվանումն այստեղ նշանակում է մարդ ընդհանրապես՝

չտարբերակելով նրան ըստ սեռի: Ադամ բառը վերաբերում է Ադամային, երկրին, հողին, որից ստեղծվել է մարդը:

Ապշեցուցիչ է, որ այստեղ բացակայում է Աստծո պատկերով ստեղծված լինելու գաղափարը, որը հիմնարար նշանակություն ունի Օսնդոց 1:27-28-ում մարդու արարչագործության համար: Այնուամենայնիվ, կա Աստծո համապատասխան գործողություն, այն է, որ նա փչում է մարդկանց վրա, որպեսզի նրանց կյանքի շունչ տա: Այն կերպարը, որ Աստված ստեղծեց հողից, անմիջապես նրանից է ստանում կյանքի շունչը: Աստված դիմում է մարդուն պարտավորեցնող, այո, մտերմիկ ձևով, որը նա չի անում որևէ այլ արարածի հետ: «Կյանքի շունչը», որը ստանում է ձևավորված կավը, ոչ միայն հանգեցնում է ֆիզիկական կենսունակության, ինչպես բնորոշ է կենդանիներին, այլև ստեղծում է նրա անհատականության նախադրյալը: Կյանքի շունչը մինևս ժամանակ Աստծո շունչն է, և հետևաբար, արարչագործության մեջ մարդու եզակիության պատճառն է: Այսպիսով, «եղեմական պատմության մեջ նույնպես մարդկային ստեղծագործությունը դրված է Աստծո պատկերով ստեղծված լինելու համատեքստում»:

Մարդու առանձնահատուկ դիրքը, նրա առաջադրանքը՝ որպես «Աստծո պատկեր» արարչագործության մեջ, արտահայտված է նաև արարչագործության երկրորդ պատմության մեջ: Մարդը դառնում է «կենդանի էակ», մեկը, ով կարող է և պետք է ձևավորի իր միջավայրը. «Եվ Տեր Աստված վերցրեց մարդուն և դրեց Եդեմի պարտեզում, որ մշակի և պահպանի այն» (Օսնդոց 2.15): «Մշակել» և «պահել» կառուցողական գործողություններ են, որոնք հանձնարարված են մարդուն, ահա Օսնդոց 1:26f-ում առկա է «կառավարելու» հստակ զուգահեռը:

Օսնդոց 2:18-ն արտահայտում է այն փաստը, որ մարդկային կյանքը միշտ պետք է ապրի համայնքում. «Լավ չէ, որ մարդը մենակ լինի»: Մրան պետք է համապատասխանի «օգնությունը», որը պետք է ստեղծվի մարդու համար: Բառացի թարգմանությամբ 18բ հատվածը կարդացվում է «օգնություն նրան»: Այս «օգնողը» որակում է, այսինքն՝, նմանակ,: Մարդը պետք է ունենա նմանակ, որը ոչ միայն «հետ» է և «կողքին», այլ ով հավասար հիմունքներով հանդիպում է նրան և ում ներկայությամբ Ադամը ճանաչում է իրեն:

Օսնդոց 2:22-23-ում խոսվում է այն մասին, թե ով է համապատասխանում մարդուն, ով է նրա նմանակը: Այս օգնությունն այժմ ստեղծված է ոչ թե հողից, այլ արդեն ստեղծված է մարդու մարմնից: «Կողոսկրը»,

որից Աստված ստեղծեց կնոջը, խորհրդանիշ է, որ տղամարդու և նրա նմանակի մարմինը նույն բնույթն ունեն: Շեշտվում է մարդու և նրա գործընկերոջ միջև ֆիզիկական միասնությունը. «Այժմ դա իմ ոսկորից ոսկոր է և իմ մարմնի մարմինը. նրան կին կանվանեն, որովհետև արականից է վերցված»:

Ադամը՝ այն մարդ արարածը, ով արարվել է առանց որևէ սեռական հատկորոշման, որի մեջ պարունակվում է սեռականության ներուժը, այժմ կարողանում է իրեն բնութագրել որպես տղամարդ, իսկ մյուսին՝ որպես կին բացահայտել: Երկուսի միջև կա ֆիզիկական միասնություն, դրանք պատրաստված են նույն «նյութից»: Տղամարդը և կինը հավասարապես ձևավորվել են Աստծո կողմից, երկու դեպքում էլ նրանք ձևավորվել են գոյություն ունեցող «նյութերից» և պարտական են Աստծո անմիջական գործողությանը:

Տղամարդու և կնոջ միջև հիերարխիա առաջարկվում է միայն մեղքի մեջ ընկնելու պատմությունից հետո (Օսնդոց 3:1-24) Օսնդոց 3:16-ում: Մարդու «տիրակալությունը», որի մասին խոսվում է մեղքի մեջ ընկնելուց հետո և, հետևաբար, կարող է դիտվել որպես մեղքի հետևանք, իր առաջին անմիջական արտահայտությունն է գտնում Ադամի կողմից կնոջ անվանման մեջ. «Եվա; քանզի նա եղավ բուրբ կենդանիների մայրը» (Օսնդոց 3.20): Այս անվանակոչումը զուգահեռ է Օսնդոց 2.20-ում գրվածին. «Եվ մարդը դաշտի ամեն զագանին իր անունը տվեց»: Այս համատեքստում կինը այժմ ենթարկվում է տղամարդուն:

Եզրակացություն. Արարչագործության մասին Հին կտակարանի երկու արձանագրություններում արտահայտված է Աստծո և մարդու սերտ հարաբերությունները: Ադամը, այսինքն՝ մարդ արարածը որպես տղամարդ և կին, ստանում է իշխելու (Օսնդոց 1:26f.) և «մշակելու» և «պահելու» հրամանը: Երկուսի միջև կա ֆիզիկական միասնություն, դրանք պատրաստված են նույն «նյութից»: Տղամարդու և կնոջ հիերարխիկացիայի մասին միտքը առաջարկվում է միայն մեղքի մեջ ընկնելու պատմությունից հետո (Օսնդոց 3:1-24) Օսնդոց 3:16-ում:

Ի՞նչ աստվածաբանական հետևանքներ է տեսնում Նորառաքելական եկեղեցին աստվածաշնչյան այս մոտեցումից: Կոմյունիթիի 02/23 համարում ներկայացվելիք տեսության հաջորդ մասը վերաբերում է դրան:



Տեղեկատու

- 01.01.2023 Այբնշթոք (Գերմանիա)
- 06.01.2023 Լոդվար (Քենիա)
- 08.01.2023 Նաիրոբի (Քենիա)
- 15.01.2023 Բիթիգհայմ-Բիսսինգեն (Գերմանիա)
- 03.02.2023 Դոլիսի(Կոնգոյի Հանրապետություն)
- 05.02.2023 Փոինթե Նոիրե (Կոնգոյի Հանրապետություն)
- 26.02.2023 Փրարիա(Քափ Վերդե)
- 05.03.2023 Բուխարեստ (Ռումինիա)
- 12.03.2023 Վուդբրի NY (ԱՄՆ)
- 19.03.2023 Լյունեբուրգ(Գերմանիա)
- 25.03.2023 դեռ հաստատված չէ(Տոգո)
- 26.03.2023 դեռ հաստատված չէ (Բենին)

New Apostolic Church
International

